

AUGLÝSING

um breytingu á deiliskipulagi miðbæjar Hafnarfjarðar.

Samkvæmt ósk bæjarstjórnar Hafnarfjarðar hefur skipulagsstjórn ríkisins þann 2. júní 1993 staðfest breytingu, sbr. 3. og 4. mgr. 19. gr. skipulagslaga nr. 19/1964, á deiliskipulagi Hafnarfjarðar frá 27. maí 1992, en síðast beytt 18. nóvember 1992.

Breytingin er fólgin í því að byggingarreitur fyrir Fjarðargötu 17 færist um 20 metra til norðurvesturs.

Bæjarstjórn Hafnarfjarðar hefur lýst því yfir, að hún taki að sér að bæta það tjón, er einstakir aðilar kunna að verða fyrir við breytinguna.

Umhverfissráðuneytið, 26. ágúst 1993.

F. h. r.

Magnús Jóhannesson.

Hrafn Hallgrímsson.

6. september 1993

Nr. 371

REGLUGERÐ

um breyting á reglugerð nr. 387/1992, um jöfnunarálag á innflutt hús og húshluta.

1. gr.

1. mgr. 1. gr. reglugerðarinnar orðist svo:

Við innflutning á forsmíðuðum byggingum og sérstaklega tilsníðnum byggingarhlutum skal greiða í ríkissjóð 3% jöfnunarálag af vörum sem flokkast í tollskrárnúmer 4418.9001, 7308.9001, 7610.9002, 9406.0001 og 9406.0009 í viðauka I við tollalög nr. 55/1987, með síðari breytingum.

2. gr.

Reglugerð þessi sem sett er með stoð í 120. gr. tollalaga nr. 55/1987, með síðari breytingum, öðlast gildi þegar í stað.

Fjármálaráðuneytið, 6. september 1993.

F. h. r.

Indriði H. Þorláksson.

Jón H. Steingrímsson.